

Simposio Herencia di Slavitud na Biblioteca Nacional

Dianan 7 y 8 di mei

ORANJESTAD – E siman aki, riba 7 y 8 di mei ta tuma lugar na Biblioteca Nacional na Playa un simposio cu e titulo Herencia di Slavitud 2008. E simposio ta habri diaranzon anochi 7 di mei cu un presentacion di e conocido escritor Surnameño Cynthia McLeod. E ta e unico presentador e anochi aki, kier men tin oportunidad amplio pa haci pregunta na e autor. Cynthia McLeod a skirbi e.o. ‘Hoe duur was de suiker’, ‘Ma Rochelle passee’ y ‘De vrije negerin Elisabeth’. Tur ta trata storianan di tempo di slavitud na Surnam.

E simposio ta sigui diahuebs atardi cu e oradornan Boi Antoin (Boneiro), drs. Luc Alofs (Aruba), Lieke van Duin (Hulanda), dr. Rose Mary Allen (Corsou) y Etty Toppenberg (Aruba). Diferente aspecto lo bin dilanti. Cada un ta presenta su charla y despues tin oportunidad pa haci pregunta.